

Uviđaj nadomak Tešnja, gdje je pronađena velika količina municije

Mještani ispitani zbog granata

Veza: Potvrđeno je da municija, pronađena u petak, može biti dovedena u vezu s naoružanjem koje je u julu pronađeno u tešanjskom selu Kaloševići

**Dragan SLADOJEVIC,
Armin MUJIC**

TESANJ - Pripadnici MUP-a Zeničko-dobojskog kantona počeli su juče uviđaj na lokalitetu Trešnjev panj, u opštini Tešanj, gdje je u petak pronađeno oko 500 granata kalibra 84 milimetra za bestrajni top, a u sklopu istrage ispitan je i veći broj mještana.

Sagovornik "Nezavisnih" blizak policiji ističe da lokalno stanovništvo nije bilo od pomoći, već se većina u svojim izjavama izjasnila kako "nemaju pojma" otkud misteriozna municija na spomenu, inače miniranom terenu.

Dok je policija juče "češljala" teren i izvlačila granate, Tešnjem se proširila informacija da je riječ o ubojitim spravama proizvedenim u Švedskoj.

Istražiocima to ne žele da komentarišu, ali su zato povrdili da je po naredbi Fahrudina Bećirovića, policijskog komesara MUP-a ZDK, formiran poseban štab koji rukovodi i koordiniše svim aktivnostima koje će biti poduzimane na rasvjetljavanju i



Municija pronađena na miniranom terenu
FOTO NN

**SPEKULACIJE
O JOŠ
PET
LOKACIJA**

utvrđivanju činjenica. Po naredbi postupajućeg tužioca, u izvlačenje granata su uključeni i pripadnici Federalne i Kantonalne uprave Civilne zaštite, koji su deminirali teren.

"Sam uviđaj mogao bi da potraje, pošto se radi po etapama. Prvo se s mikrolokacije 'očiste' mine, pa se onda izvuku granate. Dio granata je, dakle, već izvučen", kažu policijski izvori, te dodaju da su ubojita sredstva odložena na zemljištu površine oko 300 kvadratnih metara.

Uviđaj do zaključenja ovog broja "Nezavisnih" nije završen, a u cijeli slučaj je uključena i Državna agencija za istrage i zaštitu (SIPA), iz koje juče nisu izlazili s novim detaljima.

Aldina Ahmić, portparol MUP-a ZDK, kaže kako ne raspoložu nikakvim informacijama o licima koja mogu biti dovedena u vezu s ovom nezakonitom radnjom, niti informacijama o porijeklu pronađenog naoružanja.

Inače, agoniju dodatno unosi podatak da je Trešnjev panj zapravo područje na kojem su se tokom rata, kako tvrde bezbjednosni stručnjaci, obučavali mudžahedini. Kao vrh ledenog brijega, pojavila se i spekulacija da na području ove lokalne zajednice postoji još bar pet lokacija na kojima su skrivene velike količine municije i oružja.

Potvrđeno je da municija, pronađena u petak, može biti

dovedena u vezu s naoružanjem koje je u julu pronađeno u tešanjском selu Kaloševići.

Tada su mještani ustvrdili da su te ubojite spravе sakrili ljudi iz ratnog rukovodstva tešanskog SDA, "po direktnom nalogu Semsudina Mehmedovi-

ća", poslanika u parlamentu BiH, koji je za vrijeme proteklog rata bio načelnik Stanice javne bezbjednosti Tešanj.

Dušanka Majkić, predsjedavajuća Zajedničke komisije za odbranu i bezbjednost parlamenta BiH, rekla je juče da u ovom momentu niko nema saznanje o tome ko je odložio granate koje su pronađene u petak.

"Saznanja o tome nema zato što ni onaj prvi slučaj Tužilaštvo nije istražilo niti je učinilo išta da taj slučaj bude procesuiran", naglašava Majkićeva.

Mehmedović je, podsjetimo, hapšen krajem juna, zbog sumnje da je počinio ratne zločine protiv srpskog stanovništva upravo na području Tešnja, ali je pušten na slobodu.

**OBUKE
Trešnjev panj je područje na kojem su se tokom rata obučavali mudžahedini**